

Usul (57): Riwayat-riwayat yang mencela orang-orang bujang atau menyatakan kelebihan sembahyang orang yang telah berkahwin daripada orang yang tidak berkahwin (bujang) tidak ada satu pun daripadanya sahih. Kebanyakannya maudhu', paling elok pun ia dha'if sangat.

Di bawah ini adalah beberapa contohnya.

Contoh Pertama:

شَرُّكُمْ عَزَابُكُمْ، وَأَرْذَلُ مَوْتَاكُمْ عَزَابُكُمْ

Bermaksud: Orang-orang yang paling jahat (teruk) di antara kamu ialah orang-orang bujang (orang-orang yang tidak beristeri atau tidak bersuami). Orang-orang mati yang paling hina di kalanganmu (juga) adalah orang-orang bujang.

Rujukan:

'Abdur Razzāq as-Shan'āni – Mushannaf 'Abdur Razzāq j.6 m/s 171, Ahmad bin Hambal – Musnad Ahmad j.35 m/s 355-356, al-'Uqaili – Ad-Dhu'afā' j.3 m/s 356, Ibnu Abi 'Aashim – al-Aahād Wa al-Matsāni j.3 m/s 91, Abu Ya'la – Musnad Abi Ya'la j.2 m/s 325, Ibnu Hibbaan – al-Majrūhīn j.3 m/s 3-4, at-Tabaraani – al-Mu'jam al-Kabīr j.18 m/s 158, al-Baihaqi -Syu'Abu al-Imān j.7 m/s 336, Ibnu al-Atsīr – Usdu al-Ghābah j.4 m/s 43 & 68-69, j.7 m/s 251, Hafizh Ibnu Hajar – al-Ishābah j.4 m/s 537.

Komentar:

(1) Hadits di atas adalah sebahagian daripada hadits yang agak panjang. Ia dikemukakan oleh 'Abdur Razzāq dengan lengkap di dalam Mushannafnya. Imam Ahmad juga meriwayatkan hadits berkenaan dengan sanad 'Abdur Razzaaq itu juga. Sanad bersama matan selengkapnya adalah seperti berikut:

عَنْ مُحَمَّدِ بْنِ رَاشِدٍ قَالَ: سَمِعْتُ مَكْحُولًا يُحَدِّثُ عَنْ رَجُلٍ، عَنْ أَبِي ذَرٍّ قَالَ: دَخَلَ عَلَى رَسُولِ اللَّهِ صَلَّى اللَّهُ عَلَيْهِ وَسَلَّمَ رَجُلٌ، يُقَالُ لَهُ عَكَافُ بْنُ بَشَرَ التَّمِيمِيُّ، فَقَالَ لَهُ النَّبِيُّ صَلَّى اللَّهُ عَلَيْهِ وَسَلَّمَ: «هَلْ لَكَ مِنْ زَوْجَةٍ؟» قَالَ: لَا قَالَ: «وَلَا جَارِيَةً؟» قَالَ: «وَأَنْتَ مُوسِرٌ بِخَيْرٍ؟» قَالَ: «وَأَنَا مُوسِرٌ بِخَيْرٍ قَالَ: «أَنْتَ إِذَا مِنْ إِخْوَانِ الشَّيَاطِينِ، لَوْ كُنْتُ مِنَ النَّصَارَى كُنْتُ مِنْ رُهْبَانِهِمْ، إِنْ مِنْ سُنَّتِنَا النِّكَاحُ، شَرُّكُمْ عَزَابُكُمْ، وَأَرْذَلُ مَوْتَاكُمْ عَزَابُكُمْ، بِالشَّيَاطِينِ تَتَمَرَّسُونَ، مَا لِلشَّيَاطِينِ مِنْ سِلَاحٍ أَبْلَغُ فِي الصَّالِحِينَ مِنَ النِّسَاءِ إِلَّا الْمَتْرُوجِينَ، أُولَئِكَ الْمُطَهَّرُونَ الْمُبَرَّغُونَ مِنْ الْخُنَا، وَيَحْكُ يَا عَكَافُ، إِنَّهُمْ صَوَاحِبُ أَيُّوبَ، وَدَاوُدَ، وَكَرْسُفَ، وَيُوسُفَ»، فَقَالَ لَهُ بَشَرُ بْنُ عَطِيَّةَ: وَمَنْ كَرْسُفُ يَا

رَسُولُ اللَّهِ؟ قَالَ: «رَجُلٌ كَانَ يَعْبُدُ اللَّهَ بِسَاجِلٍ مِنْ سَوَاجِلِ الْبَحْرِ ثَلَاثَ مِائَةِ عَامٍ، يَصُومُ النَّهَارَ، وَيَقُومُ اللَّيْلَ، ثُمَّ إِنَّهُ كَفَرَ بِاللَّهِ الْعَظِيمِ فِي سَبَبِ امْرَأَةٍ عَشِقَهَا، وَتَرَكَ مَا كَانَ عَلَيْهِ مِنْ عِبَادَةِ رَبِّهِ، ثُمَّ اسْتَدْرَكَهُ اللَّهُ بِبَعْضِ مَا كَانَ مِنْهُ، فَتَابَ عَلَيْهِ، وَنَحَكَ يَا عَكَافُ، تَزَوَّجَ وَإِلَّا فَأَنْتَ مِنَ الْمُتَذَكِّرِينَ» قَالَ: زَوْجِي يَا رَسُولَ اللَّهِ قَالَ: فَزَوْجُهُ كَرِيمَةُ ابْنَةِ كُلثُومِ الْجَنْدَرِيِّ.

Oleh kerana bahagian matan hadits yang bergaris di bawahnya itulah yang berkenaan, dan di dalam kebanyakan kitab-kitab hadits maudhu' juga sekadar itu sahaja dikemukakan, penulis berpada dengannya untuk dibentangkan sebagai contoh pertama di atas.

(2) Hadits contoh pertama di atas dihukum tidak sahih oleh para 'ulama' hadits kerana di dalam sanadnya terdapat dua orang perawi bermasalah sekurang-kurangnya. Makhūl dikatakan telah meriwayatkannya daripada seorang laki-laki tanpa menyebut dengan terang siapakah laki-laki itu dan apa namanya?

Maka laki-laki itu dikira sebagai perawi majhul, dan kerananya ia dianggap dha'if. Makhūl sendiri pula adalah seorang perawi mudallis. Riwayat seorang perawi mudallis seperti Makhūl itu secara 'an'anah tidak diterima, dan di sini jelas beliau meriwayatkannya secara 'an'anah.

Muhammad bin Rāsyid juga perawi yang dipertikaikan oleh sekumpulan 'ulama' Rijāl. An-Nasā'i mengatakan dia dha'if. Syu'bah pula melarang orang menulis hadits-haditsnya dengan alasan dia sorang Rāfidhi (Syi'ah melampau).

(3) Walaupun sanad al-'Uqaili di dalam Kitabnya ad-Dhu'afā' (j.3 m/s 356) menyebut dengan terang nama perawi tempat Makhūl menerima hadits ini, namun ia tetap tidak menjadikannya sahih. Namanya ialah 'Athiyyah bin Busr al-Hilāli. 'Athiyyah berdasarkan riwayat al-'Uqaili tidak menerima hadits berkenaan daripada Abu Dzarr, malah menerimanya terus daripada 'Akkāf bin Wadā'ah al-Hilāli.

Setelah mengemukakannya al-'Uqaili berkata, " عطية لا يتابع عليه " (tiada orang lain turut meriwayatkan apa yang diriwayatkannya itu).

Selain itu, Makhūl di dalam sanad al-'Uqaili juga meriwayatkannya secara 'an'anah.

(4) Hadits 'Athiyyah bin Busr telah diriwayatkan juga melalui satu sahuram riwayat yang lain, kata beliau:

" جاء عكاف بن وداعة الهلالي إلى رسول الله صلى الله عليه وسلم، فقال له رسول الله صلى الله عليه وسلم: يا عكاف! ألك زوجة؟ " الحديث بتمامه.

Bermaksud: 'Akkāf bin Wadā'ah datang kepada Rasulullah s.a.w. Maka Rasulullah s.a.w. bertanya dia dengan kata Baginda, "Wahai 'Akkāf, adakah engkau mempunyai isteri? Dan seterusnya seperti tersebut di dalam hadits di atas.

Hadits ini dikemukakan oleh Abu Ya'la di dalam Musnadnya, at-Thabaraani di dalam al-Mu'jam al-Kabir dan al-Baihaqi di dalam Syu'abu al-Iman melalui saluran riwayat Baqiyyah bin al-Walid daripada Mu'awiah bin Yahya daripada Sulaiman bin Musa daripada Makhul daripada Ghudha'if bin al-Hariths daripada 'Athiyyah bin Busr al-Mazini...

Setelah mengemukakannya al-Baihaqi berkata, "Ini adalah lafaz riwayat Ibnu 'Abdān, cuma di dalam riwayatnya beliau menyebut nama 'Athiyyah bin Qais, padahal yang betulnya ialah 'Athiyyah bin Busr, saudara 'Abdullah bin Busr.

Dengan berkata begini al-Baihaqi bermaksud menyatakan 'Athiyyah seperti saudaranya merupakan sahabat Rasulullah s.a.w. Demikianlah disebutkan oleh sekumpulan 'ulama'. Antaranya ialah Ibnu Hibban di dalam Kitabnya at-Tsiqat (j.3 m/s 307). Kata Ibnu Hibban: عطية بن بسر المازني، له صحبة ('Athiyyah bin Busr al-Mazini, sahabat Rasulullah s.a.w.).

Jika diterima sekalipun 'Athiyyah itu sahabat Rasulullah s.a.w., tetap juga hadits itu tidak sahih, kerana sanad di bawahnya tidak sahih. Di dalam sanadnya terdapat beberapa 'illat, iaitu:

(i) Makhul meriwayatkannya secara 'an'anah juga seperti di dalam dua sanad yang dikemukakan sebelum ini, sedangkan beliau seorang perawi mudallis.

(ii) Terdapat di dalam nya seorang perawi bernama Mu'awiah bin Yahya as-Shadafi. Dia seorang perawi dha'if sebagaimana tersebut di dalam Taqrib at-Tahdzib, al-Kasyif dan lain-lain.

(iii) Di dalam sanadnya juga terdapat perawi bernama Baqiyyah bin al-Walid. Dia juga seorang mudallis. Walaupun Baqiyyah mempunyai mutabi' bernama al-Walid bin Muslim, namun al-Walid juga seorang perawi mudallis.

Riwayatnya dikemukakan oleh al-'Uqaili di dalam ad-Dhu'afā' dan Ibnu al-Jauzi di dalam al-Wāhiah. Untuk menyatakan kelemahan saluran riwayat itu Ibnu al-Jauzi hanya menyebutkan seorang sahaja perawinya yang dikatakan dha'if oleh para 'ulama' Rijāl. Katanya: "Ibnu Ma'in berkata, ليس بشيء (Mu'āwiah bukan apa pun). Beliau juga menukulkan kata-kata al-'Uqaili yang telah disebutkan sebelum ini, kemudian menulis: "Para 'ulama' hadits berkata, "Tidak ada satu pun haditsnya yang sahih."

Demikian juga kata Hafizh Ibnu Hajar di dalam al-Ishābah di bawah biografi 'Akkāf, bahawa semua saluran riwayat tersebut tidak sunyi daripada kedha'ifan dan idhthirāb.

(5) Walaupun as-Suyuthi tidak bersetuju dengan Ibnu al-Jauzi yang menyenaraikan hadits contoh pertama itu sebagai hadits maudhu', namun beliau juga tidak menafikan tentang kedha'ifannya. Alasannya ialah hadits itu diriwayatkan juga oleh Ahmad dan at-Thabaraani daripada 'Athiyyah bin Busr. Ibnu 'Adi meriwayatkannya daripada Abi Hurairah, dan Abu Ya'la daripada Jābir.

As-Sakhāwi berkata, hadits itu dikemukakan oleh Abu Ya'la dan at-Thabaraani daripada riwayat Abu Hurairah secara marfu'.

Di dalam al-Maqāshid al-Ḥasanah m/s 251, as-Sakhāwi mengemukakan beberapa hadits yang lebih kurang sama ma'nanya dengan hadits yang dikemukakan sebagai contoh pertama. Lalu beliau berkata, "Semuanya dha'if dan mudhtharib". Bagaimanapun beliau juga seperti as-Suyuthi tidaklah sampai menghukumnya sebagai hadits maudhu'.

(6) Sama ada riwayat 'Athiyyah bin Busr, Abu Hurairah, Anas, Jābir atau Abu Dzarr dan lain-lain, tidak ada satu pun daripadanya sahih, semuanya dha'if. Dhaifnya pula bukan dha'if ringan, tetapi dha'if teruk.

(7) Dalam konteks orang-orang yang mampu berkahwin, tetapi terus membujang kerana tidak mahu mengamalkan Sunnah Nabi s.a.w. bahkan tidak menyukainya, memanglah ada juga kebenarannya jika dikatakan mereka adalah orang-orang yang paling jahat dan orang-orang yang mati dalam keadaan paling hina di kalangan umat Muhammad s.a.w.

Tetapi jika ia difahami di luar konteks, dan diambil bahagian tersebut sahaja tanpa melihat kepada sebab wurudnya, maka orang-orang bujang kerana tiada jodohnya atau orang-orang yang membujang kerana sebab-sebab lain yang wajar menurut Syari'at juga akan termasuk dalam golongan umat Muhammad yang paling jahat, dan jika mati pula maka mereka mati sebagai orang-orang yang paling hina!

(8) Golongan 'ulama' yang menghukum hadits seperti itu sebagai maudhu' tentu sekali tidak melihatnya dari sudut sanad semata-mata. Mereka tentu sekali melihat kepada sudut-sudut yang lain. Antaranya ialah:

(i) Tiadanya ancaman seperti itu di dalam al-Qur'an mahupun hadits-hadits sahih atau hasan.

(ii) Terdapat banyak lagi dosa-dosa atau jenayah-jenayah lain yang lebih berat. Tetapi tidak tersebut pula hukuman terhadap mereka seperti hukuman yang tersebut di dalam hadits contoh pertama untuk orang-orang bujang. "Paling jahat" dan "Orang-orang mati yang paling hina".

(iii) Terhadap pelaku-pelaku dosa-dosa besar yang ada hukuman hadnya yang khusus di dunia ini seperti berzina, mencuri, minum arak dan lain-lain pun tidak dikatakan mereka paling jahat dan mati sebagai orang-orang yang paling hina. Bagaimana mungkin orang yang membujang tanpa kehendak dan pilihannya akan dihukum seberat itu?

(9) Kalaupun diterima hadits itu, maka tidak semestinya "kamu" sebagai umat Muhammad yang dimaksudkan ialah umat Islam yang merupakan "ummatul ijabah". Boleh jadi "kamu" itu bererti orang-orang kafir dari kalangan umat Muhammad yang merupakan "Ummatu ad-da'wah".

(10) Jika diterima pun hadits itu, maka kandungannya lebih sesuai dikaitkan dengan paderi-paderi atau sami-sami yang mengajarkan kepada orang ramai bahawa kehidupan membujang itulah kehidupan beragama yang paling baik dan sempurna.

Contoh Kedua:

عن أبي هريرة قال قال رسول الله صلى الله عليه وسلم شر أركم غرابكم، ركعتان من متأهل خير من سبعين ركعة من غير متأهل.

Bermaksud: Orang yang paling jahat (teruk) di kalanganmu adalah orang bujang. Dua raka'at (shalat yang dikerjakan) oleh orang yang telah berkeluarga (berkahwin) lebih baik daripada tujuh puluh raka'at oleh orang yang tidak berkeluarga (belum berkahwin).

Rujukan:

Ibnu al-Jauzi- al-Maudhu'aat j.2 m/s 257-258, as-Suyuthi – al-La'aali'u al-Mashnu'ah j.2 m/s 161, Ibnu 'Adi- al-Kaamil j.8 m/s 497-498, adz-Dzahabi- Mizaanu al-I'tidaal j.4 m/s 466, Hafiz Ibnu Hajar al-'Asqalāni – Lisānu al-Mīzān j.8 m/s 556, Ibnu 'Arraaq al-Kinaani – Tanzih as-Syari'ah al-Marfu'ah j.2 m/s 206, as-Syaukaani- al-Fawaa'idu al-Majmu'ah m/s 120, al-Albaani - Silsilatu al-Ahaditsi ad-Dha'iifah Wa al-Maudhu'ah j.6 m/s 21, Muhammad bin Khalil bin Ibrahim al-Massisyi at-Tharabulsi - al-Lu'lu' al-Marshu' m/s 103, Muhammad bin Muhammad Darwesh – Asna al-Mathalib m/s 786, Mulla 'Ali al-Qari- al-Asraaru al-Marfu'ah Fi al-Akhbaari al-Maudhu'ah m/s 242), Muhammad Thahir bin 'Ali al-Fattani al-Hindi- Tazkiratu al-Maudhu'aat m/s 125), Abu Sulaiman Jāsim bin Sulaiman ad-Dausari– ar-Raudhu al-Bassām Bi Tartīb Wa Takhrīj Fawā'id Tammām j.2 m/s 366.

Komentar:

(1) Hadits di atas lengkap dengan sanadnya adalah seperti berikut:

أَخْبَرَنَا مُحَمَّدُ بْنُ تَمَامٍ الْبَهْرَانِيُّ بِحَمَلٍ ، حَدَّثَنَا الْمُسْتَيْبُ بْنُ وَاصِحٍ ، حَدَّثَنَا يُونُسُ بْنُ الْوُزَاعِيِّ عَنْ يَحْيَى بْنِ أَبِي كَثِيرٍ ، عَنْ أَبِي سَلَمَةَ ، عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ شَرَّ أَرْكَمٍ عَزَابِكُمْ رَكَعَتَانِ مِنْ مَتَاهِلٍ خَيْرٌ مِنْ سَبْعِينَ رَكْعَةً مِنْ غَيْرِ مَتَاهِلٍ.

Sanad yang dikemukakan ini adalah berdasarkan riwayat Ibnu 'Adi di dalam al-Kāmilnya. Ibnu al-Jauzi, as-Suyuthi dan lain-lain juga mengemukakannya dengan sanad yang sama.

(2) Ibnu 'Adi berkata, "Ini adalah hadits maudhu'." Abu Zur'ah dan an-Nasā'i berkata, "Yusuf bin as-Safar (perawi) matrūkul ḥadīths." Abu Hātim bin Hibbān berkata, "Dia (Yusuf) meriwayatkan daripada al-Auzā'i apa yang bukan merupakan haditsnya. Pendengar tidak akan ragu tentang kepalsuannya, tidak halal sama sekali berhujah

dengan riwayatnya.” Ad-Daaraquthni pula berkata, “(Yusuf perawi) Matrūk, dia berdusta.”

Ibnu Ma’in, al-Jauzajāni, al-Bukhari dan lain-lain mengatakan Yusuf bin as-Safar adalah perawi pendusta. (Lihat Hafizh Ibnu Hajar - Lisan al-Mizān j.6 m/s 322-324).

Adz-Dzahabi di dalam Mizaanu al-I’tidaal j.4 m/s 466 menukilkan juga kata-kata al-Baihaqi tentang Yusuf bin as-Safar, bahawa dia terbilang sebagai salah seorang pereka hadits.

(3) Terdapat satu lagi saluran riwayat berhubung dengan perkara ini yang dikaitkan dengan Abu Hurairah. Lafaz haditsnya berbeza daripada yang dikemukakan sebagai contoh kedua itu. Bahagian pertamanya sahaja ada, iaitu *شراكم عزابكم*, tetapi yang seterusnya tiada. Saluran riwayat ini juga bermasalah. Lihat di bawah ini sanadnya:

أَنَا إِسْمَاعِيلُ بْنُ أَحْمَدَ أَنبَأَنَا ابْنُ مَسْعُودَةَ أَنبَأَنَا حَمْزَةُ بْنُ يُونُسَ حَدَّثَنَا أَبُو أَحْمَدَ بْنُ عَدَى أَنبَأَنَا عُمَرُ بْنُ سَنَانَ حَدَّثَنَا أَبُو يُونُسَ مُحَمَّدُ بْنُ أَحْمَدَ الرَّقِيُّ حَدَّثَنَا خَالِدُ بْنُ إِسْمَاعِيلَ (بْنُ الْوَلِيدِ) عَنْ عَبْدِ اللَّهِ (بْنِ عُمَرَ) عَنْ صَالِحٍ (مَوْلَى التَّوَّامَةِ) عَنْ أَبِي هُرَيْرَةَ

Di dalam sanad ini selain terdapat Saleh Maula at-Tau’amah yang merupakan salah seorang perawi majrūh (yang dipertikaikan kedudukannya oleh para ‘ulama’ Rijāl hadits), terdapat juga seorang perawi bernama Khalid bin Isma’il. Menurut Ibnu ‘Adi, dia pereka hadits.

(4) Walaupun hadits Abu Hurairah melalui saluran riwayat kedua itu terdapat di dalam Musnad Abu Ya’la (j.2 m/s 397) dan al-Mu’jamu as-Shaghīr karangan at-Thabaraani (j.4 m/s 375), namun Hafizh Ibnu Hajar di dalam al-Mathālibu al-‘Aaliyah (j.8 m/s 283) tetap mengatakan ia adalah hadits mungkar, dan Khalid adalah perawi yang tertuduh berdusta.

(5) Setelah Ibnu ‘Adi mengemukakan hadits di atas menerusi saluran riwayat Yusuf bin as-Safar, beliau bawakan juga beberapa hadits yang lain dengan sanad yang sama. Kemudian beliau berkata: “Hadits-hadits yang diriwayatkan daripada Yahya daripada Abi Salamah ini dengan sanad Yusuf bin as-Safar semuanya maudhu’.”

(6) Hadits contoh kedua seolah-olahnya mewajibkan berkahwin dan berkeluarga, sedangkan tidak semua orang mempunyai kemampuan untuk berkahwin dan

berkeluarga atas pelbagai alasan yang dibenarkan oleh Syara'. Apakah mereka berdosa kerana tidak berkahwin? Sehingga dikatakan mereka adalah seburuk-buruk atau sejahat-jahat umat Muhammad??

(7) Jika dilihat sejarah umat Islam, dari awal hingga ke hari ini, terdapat ramai juga orang-orang baik dan saleh yang tidak berkahwin dan berkeluarga. Apakah kepada mereka juga terkena ancaman hadits ini? Apakah mereka juga menjadi orang-orang yang paling jahat atau paling teruk? Apakah nilai sembahyang mereka 70 kali kurang daripada nilai sembahyang orang-orang yang berkahwin, meskipun dia seorang yang jahat?

(8) Bukankah terdapat juga sahabat Rasulullah s.a.w., para 'ulama' dan pejuang-pejuang Islam yang tidak ditaqdirkan berkahwin sepanjang hidupnya kerana sebab-sebab tertentu? Apakah mereka tidak terkecuali daripada ancaman sabda Rasulullah s.a.w. itu? Apakah sembahyang mereka juga 70 kali kurang daripada orang-orang biasa lain yang berkahwin dan berkeluarga?

(9) Memanglah boleh diterima jika itu semua dianggap sebagai galakan supaya berkahwin seperti terdapat dalam banyak hadits-hadits Rasulullah s.a.w. yang lain, dan ancaman daripada kehidupan membujang yang mendedahkan seseorang kepada perzinaan dan bermacam-macam ma'shiat yang lain lagi, tetapi semua itu tidak sah.

(10) Jika dikatakan hadits-hadits dha'if boleh dipakai juga untuk tujuan targhib (menggalakkan orang melakukan kebaikan) dan tarhib (menakut-nakutkan orang daripada melakukan ma'shiat), maka perlulah diketahui hadits-hadits dha'if yang macam manakah yang dibenarkan oleh para 'ulama' hadits kita menggunakannya untuk tujuan itu?

Tentu sekali bukan hadits-hadits dha'if sangat, apalagi hadits maudhu' seperti yang dikemukakan di sini sebagai contoh.

Contoh Ketiga:

عَنْ أَنَسِ بْنِ مَالِكٍ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: رَكْعَتَانِ مِنَ الْمُتَأَهِّلِ خَيْرٌ مِنَ اثْنَتَيْنِ وَثَمَانِينَ رَكْعَةً مِنَ الْعَزْبِ.

Bermaksud: Anas meriwayatkan, katanya, Rasulullah s.a.w. bersabda: "Dua raka'at yang dikerjakan oleh orang yang berkeluarga lebih baik lagi daripada lapan puluh dua raka'at oleh orang bujang.

Rujukan:

Abul Qāsim Tammām bin Muhammad bin 'Abdillāh al-Bajālī ar-Rāzī – Fawā'id Tammām j.1 m/s 299, ad-Dhiyā' al-Maqdisi – al-Aḥādīṣ al-Mukhtārāh j.2 m/s 440, Ibnu al-Jauzi- al-Maudhu'at j.2 m/s 257), (as-Suyuthi – al-La'aali'u al-Mashnu'ah j.2 m/s 135, adz-Dzahabi- Mizaanu al-I'tidaal j.4 m/s 100, Hafizh Ibnu Hajar al-'Asqalāni – Lisānu al-Mizān j.8 m/s 46, Muhammad Thahir bin 'Ali al-Fattani al-Hindi- Tazkiratu al-Maudhu'at m/s 125, Ibnu 'Arraq al-Kinaani – Tanzih as-Syari'ah al-Marfu'ah j.2 m/s 203, al-Albaani- Silsilatu al-Aḥādīṣi ad-Dha'iifāh Wa al-Maudhu'ah j.2 m/s 99, Abu Sulaiman Jāsim bin Sulaiman ad-Dausari- ar-Raudhu al-Bassām Bi Tartīb Wa Takhrīj Fawā'id Tammām j.2 m/s 365-366.

Komentar:

(1) Hadits contoh ketiga di atas mula-mula sekali dikesan di dalam kitab Fawā'id Tammām. Kemudian ia dinukilkan oleh ad-Dhiyā' al-Maqdisi dan lain-lain.

Di bawah ini ialah sanad Tammām di dalam kitab tersebut:

أَخْبَرَنَا أَبُو عَلِيٍّ مُحَمَّدُ بْنُ هَارُونَ بْنُ شُعَيْبٍ، ثنا أَبُو عَلِيٍّ إِسْمَاعِيلُ بْنُ مُحَمَّدٍ الْغُدْرِيُّ، ثنا سُلَيْمَانُ بْنُ عَبْدِ الرَّحْمَنِ، ثنا مَسْعُودُ بْنُ عَمْرٍو الْبَكْرِيُّ، ثنا خَمِيسُ الطَّوِيلُ، عَنْ أَنَسِ بْنِ مَالِكٍ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:

(2) Di dalam sanad Tammām itu terdapat seorang perawi bernama Mas'ud bin 'Amar al-Bakri. Adz-Dzahabi di dalam Mizān al-I'tidāl menulis di bawah biografinya, "Saya tidak mengetahui siapa Mas'ud ini (perawi majhūl), haditsnya ini batil (karut)."

Hafizh Ibnu Hajar juga mengemukakan hadits contoh ketiga itu di bawah biografi Mas'ud, setelah mengemukakannya beliau mengesahkan apa yang telah dikatakan oleh Adz-Dzahabi di dalam Mizān al-I'tidāl tadi.

(3) Terdapat satu lagi hadits yang dikaitkan dengan Anas bin Malik berhubung dengan perkara ini, ia diriwayatkan melalui satu saluran riwayat yang lain. Di dalam nya terdapat seorang perawi bernama Mujāsyi' bin 'Amar. Dia terkenal kerana

meriwayatkan hadits berkenaan. Al-'Uqaili mengemukakannya di dalam kitab beliau ad-Dhu'afā' al-Kabīr (j.4 m/s 264). Lihat hadits yang dimaksudkan itu melalui sanad al-'Uqaili di bawah ini:

حَدَّثَنَا مُحَمَّدُ بْنُ حَنْبَلَةَ الْقُصْبِيُّ الْوَاسِطِيُّ قَالَ: حَدَّثَنَا الْحَسَنُ بْنُ جَبَلَةَ قَالَ: حَدَّثَنَا مُجَاسِيْعُ بْنُ عَمْرٍو قَالَ: حَدَّثَنَا عَبْدُ الرَّحْمَنِ بْنُ زَيْدِ بْنِ أَسْلَمَ، عَنْ أَبِيهِ، عَنْ أَنَسٍ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: رَكْعَتَانِ مِنَ الْمَتْرُوجِ أَفْضَلُ مِنْ سَبْعِينَ رَكْعَةً مِنَ الْأَعْرَابِ

Bermaksud: Daripada Anas, katanya, Rasulullah s.a.w. bersabda: “Dua raka'at (shalat) yang dikerjakan oleh orang yang telah berkahwin lebih afdhal (lebih baik) daripada tujuh puluh raka'at yang dikerjakan oleh orang bujang.”

Mujāsyi' bin 'Amar tersenarai sebagai perawi bermasalah yang ke-1869 di dalam ad-Dhu'afā' al-Kabīr. Kata al-'Uqaili tentangnya:

Mujāsyi' bin 'Amar, haditsnya mungkar tidak mahfūzh. Muhammad bin 'Utsman menukikan kata-kata Yahya bin Ma'in bahawa Mujāsyi' bin 'Amar adalah salah seorang pendusta besar.

Setelah itu barulah al-'Uqaili mengemukakan haditsnya dengan sanad di atas.

Ibnu al-Jauzi telah menghukum hadits Mujāsyi' bin 'Amar ini sebagai maudhu'. Beliau menukikan kata-kata Ibnu Hibbaan tentang Mujāsyi' bahawa dia mereka (mengadadakan) hadits atas nama perawi-perawi tsiqāt. Tidak halal menyebutnya melainkan dengan maksud mengkritik.

(4) Jika diperhatikan, riwayat contoh ketiga daripada Anas dan contoh kedua daripada Abu Hurairah, kedua-duanya kelihatan sama, kecuali di permulaan dan di hujungnya. Apa yang ada di permulaan riwayat kedua *شَرَارُكُمْ غَرَابُكُمْ*, tidak ada pada riwayat ketiga. Gandaan pahala sembahyang orang yang berkahwin daripada orang bujang juga tidak sama. Di dalam riwayat kedua tersebut tujuh puluh kali ganda. Di dalam riwayat ketiga pula tersebut lapan puluh dua kali ganda.

(5) Hadits Anas yang dikemukakan oleh Tammām melalui saluran riwayat Mas'ud bin 'Amar al-Bakri menyebutkan gandaan pahala sebanyak lapan puluh dua kali ganda. Hadits yang dikemukakan oleh al-'Uqaili melalui saluran riwayat Mujāsyi' bin 'Amar

pula menyebutkan sebanyak tujuh puluh kali ganda. Di situ terdapat perbezaan yang menyebabkan ia menjadi mudhtharib.

(6) Setelah mengemukakan hadits Anas melalui saluran riwayat Mujāsyi' bin 'Amar, as-Suyuthi semacam mengkritik Ibnu al-Jauzi dan al-'Uqaili yang menghukumnya maudhu'. Kata beliau, "Terdapat satu lagi saluran lain bagi riwayat ini." Kemudian beliau membawakan saluran riwayat Tammām di dalam Fawā'idnya dan berkata, "Ad-Dhiyā' juga di dalam al-Mukhtārahnya telah meriwayatkannya dengan sanad ini. Tetapi Hafizh Ibnu Hajar di dalam Athrāfnya mengkritik dengan berkata, "Ini adalah hadits mungkar, tidak ada apa pun erti mengemukakannya."

Kalau begitu, apakah ertinya as-Suyuthi mengkritik Ibnu al-Jauzi yang menukilkan riwayat al-'Uqaili melalui saluran Mujāsyi' itu, setelah beliau sendiri menerimanya sebagai hadits mungkar dan batil (karut)?

(7) Bukan Ibnu al-Jauzi sahaja telah menghukum hadits-hadits ini sebagai maudhu'. Ibnu 'Adi, al-'Uqaili, adz-Dzahabi dan lain-lain juga telah menghukumnya maudhu'. Tokoh-tokoh hadits di zaman mutakhir seperti al-Albāni, al-Ghumāri dan lain-lain juga sependapat dengan mereka.

(8) Kerana kecuaiannya dalam penapisan hadits-hadits seperti inilah hadits Mujāsyi' dan lain-lain yang dihukum maudhu' oleh sekian ramai 'ulama' itu masih lagi menjadi penyeri khutbah-khutbah nikah setiap kali imam membaca khutbah nikah sebegini melakukan 'aqad nikah di Malaysia dan di sesetengah negara umat Islam yang lain hingga ke hari ini!